



Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii
Flacci Declamationes. Auctoris Incerti Dialogus De causis corruptae
Eloquentiae - Cvm Variorum Notis

Quintilianus, Marcus Fabius

Lugd. Batav. ; Roterodami, 1665

CCCLXXXVIII. Avia testis.

urn:nbn:de:hbz:466:1-12889

CCCLXXXVI.

¹ *Iphicrates cum gladio.*

Reus est Iphicrates, quod vim judicio fecerit, cum Cotyn Thracum regem in id adduxisset, & gladio cinctus ipse venisset.

DECLAMATIO.

Non tulumus tabellas, sed fugientes projecimus: non judices reum absolverunt, sed reus judices. Quid est vis? hæc fit alias patientia, alias metu, quorum alterum ad corpus, alterum ad animum pertinet. Si male judicatum est, fuit aliquid, quod judex timeret. Hoc sic probo, qualis in judicium venis? Ego illum habitum reorum novoram. Ad summam, id solent rei à judicibus petere, quod nuper judices petiere à reo, ut sibi parceret.

SERMO.

Reus dicit, non, inquit, hoc animo feci, ut vim facerem, ideo, inquit, ² gladium retuli, ut illo me, si innocens oppressus essem, interficerem.

CCCLXXXVII.

Fortis abdicans servatum.

Desertorem filium, cuius desertoris salutem ipse fortis optaverat, abdicat.

DECLAMATIO.

DUas leges habui, viri fortis, & patris. Viri fortis legem, transtuli in patrem, patris, in virum fortem.

CCCLXXXVIII.

Avia testis.

Qui habebat matrem, duxit uxorem, ex qua natum filium, aviæ nutritendum dedit. Moriens hæredem filium fecit: substituit uxorem: dispensatorem suum manumitti jussit. Puer reductus ad matrem, & ab ea in fundo maritimo, vīsis piratis relictus, non comparuit. Post paucos dies ³ cadaver confusis lineamentis, quod filius putaretur,

in idem

¹ *Epicrates cum gladio.*] Immo Iphi- | ³ *Cadaver confusis lineamentis, quod
cates. Idem. | filius putaresur.*] Omnia filii. Idem.

² *Gladium retuli.*] Lege attuli. Idem.

in idem littus ejectum, mater ductis sepelivit exequiis. Dispensator manumissus ab ea post aliquot annos negotiatum profectus, adolescentem, quem dominum diceret, apud venalitiarium repertum, judicio afferens, evicit. Cum eo revertit in patriam. Puerum agnoscit avia: negat suum mater.

DECLAMATIO.

CAUSAM, judices, probatam peregre, probatam domi, propinquis, domesticis, libertis, aviæ (facinus indignum!) matri tantum probare non possumus, usque eo se libenter credit orbatam, ut suos non nisi mortuos agnoscat. Quod si antea ignotum fuit, quantum pecuniæ cupiditas possit, viætrix etiam de natura triumphat. Mulier modo cadaver, tanquam filium, complexa: nunc filium, tanquam cadaver, fugit, quæ funus suum tantum sibi credit, gratulationem nemini credidit, infelicem puerum sola non agnoscit ex propinquis. Causam quæritis? quia vivit.

NARRATIO.

Habuimus adolescentem optimum propinquum, mitissimum patronum, fidelissimum amicum: maritum vero nimium quoque uxorium: quod ignovimus. Filium sustulerat. Puer continuo ad aviam translatus est. Scilicet ab illa matris indulgentia occupata est, & hæc ablatum non indignata est. Toto illi corpore innotuit: non tamen ultiorem aviæ notitiam profiteor, nepotem suum optime facie novit. Moriens igitur propinquus noster, testamentum scripsit breve & simplex. Nam neque diu de primo hærede cogitandum fuit, habenti filium: nec de secundo, habenti uxorem. Nec sane invidimus isti honorata viri judicia, quibus utinam gratiam referret. Neque avia captare testamentum ejus fas putavit, cui destinaverat suum. Hæc est nostra narratio, ista narret suos piratas. Non insepar eam malignis suspicionibus, nisi quod suos libertius mortuos agnoscit. Habetis narrationem pueri, habetis & matris: audite liberti. Interposito tempore, libertus notæ prohibitis

tatis (Deorum credo numine, quod rebus humanis, etiam qua non appareat, intervenit) peregre negotiandi causa profectus est; cum forte videt puerum venalibus interpositum, simul & agnovit, & agnitus est. Quis, inquit, vobis narravit, in quas terras delatus essem? num avia vivit? Itaque habuit puer assertorem, assertor sponsorem, peregrinus advocatos, cum ipse vultus causam ingenuitatis suæ ageret: filium istius, quid aliud dicam, quam agnoverunt? Nec mirum: nihil erat confusum. Fateor multum absentium quoque profuisse nomina, cum diceremus, Habet matrem, habet aviam. In una re, judices, mentiti sumus. Affirmavimus enim futurum, ut hunc mater agnosceret.

ARGUMENTA.

Bona paterna filio peto. Sed ego, inquit, hæres sum. Sed hic prior hæres. Periit, inquit. Quando? apud aviam valuerat, ad mortem arcessitus est? diutius captivi apud piratas vivunt. Visis, inquit, piratis, relictus, fluctibus obrutus est. Quid ais, relictus? ulli metus filii memoriam tibi excutiunt? matrem non agnosco. Quædam animalia ipso ore in periculis catulos suos transferunt: novasque illis indulgentia manus commimenta est: noxios alioqui mortus, huic uni officio mitigant. Nidulorum, si infestantur, crebra mutatio est: nec quicquam usque eo ferum est, ut non cum progenie sua migret: adeo illis, quibus omnium rerum intellectus negatus est, hic tamen affectus relinquitur. Romani generis auctor, divisis inter patrem & filium pietatis officiis, cum utrumque ad fugiendum anni deficerent, alterum tulit, alterum traxit. Mater disce fugere. Puto non miramini, cur mater non recipiat, quem tam vilem habet, ut tanquam cadaver relinquat. Primus, inquit, hæres periit. Nisi fallor, judices, in hoc controversia est, utrum fluctibus submersus sit puer, an à piratis

T raptus

¹ Ad mortem arcessitus est.] Alii, ad matrem. Erod.

raptus sit. Si doceo non periisse, nimirum raptus est: si raptum ostendo, doceo etiam vivere: si vivit, nimirum hic est, quem invenit libertus, evicit assertor, judex remisit, avia recepit. Verum, ut propositum ordinem sequar, nego in mari periisse. Littus amoenitate notum, nunc quam elato alluitur mari, sed molliter devexum, æquali planicie, paulatim superveniente pelago, subsedit Longo spatio ingredientem fatigat, antequam destituat. Porro, tu tranquillo mari, an æstuante progressa es? Credibilius scilicet ad hæc oblectamenta lætiores eligimus dies: horridus vero 'decidentium undarum fragor, & exæstuantis fluctus minax facies, & tibi opportuna secundum ipla habitandi littora, ² non rapienda, sed expectanda obsefio est. Ita habitas, ut tibi etiam tranquillitates eligere fastidiose liceat. Sane tamen adversis tempestatibus, & sævientibus secundis offerre libuerit: ne hoc quidem periculose. venientis enim fluctus, & consurgentis freti facies ante terret, quam decipit. Utinam quidem ejusmodi tempestatibus productus esses, puer! ³ tu potius patrem reliquisses. Denique quo tempore submersus? dum applicant piratæ, an ante? necdum scis? tam secura es? hoc matri non credo. Cur enim nemo ex paedagogis vidit? si vidit, cur laboranti auxilium non tulit, dum applicant? necesse est utique tunc fluctus vitaverit, & ipse quoque pirates fugerit. An vero eodem tempore & pirata applicat, & fluctus prædatur? Rogo vos, qui ante adventum tutus fuit, adventu piratæ periit? Cur ergo, inquit, nemo clamantem audiit? Primum vicinus undarum sævientium fragor, audientium auribus minorem excludebat sonum, deinde in tanto tumultu fugientium, præteriisse vocem non mi-

¹ Decidentium.] Alii, decidenti die.
& paulo post, occasio est. Pith.

² Non rapienda, sed expectanda obsefio est.] Alii apud Ærodium, insilio. Forte, oblectatio. Gronovius.

³ Tu potius patrem reliquisses.] Supple,

quam matrem, inquit Ærodius. Immo lege, matrem: & supple, quam illa te. Tu conterritus tempestate citius illam reliquisses, quam illa te, ut rapereris à piratis. Idem.

rum est. Quid ita non auditus est? Ne quæso, infelici puerο vilitatem sui imputaverit, quod relictus, quod desertus est. Cur non audisti? longius fugeras. Sed post paucos dies, corpus expulsum est. Quid mirum, ubi piratae vagantur? Quid tu porro, impune sæpe maria trajici putas? non minus possum dicere alienum fuisse, quam tuum filium: signa confusa sunt: imo credibilius est, naufragi fuisse (littus enim amœnum, non infestos scopulos habet) utique post paucos dies, cum dicas expulsum: illum vero longo tempore non expulsum, sed advolutum. Quomodo autem potuit confusa facie agnoscī? Ætas, inquit, conveniebat. Hoc inter argumenta mea minimum est, statura: hoc in actione loci. Quare ergo mater sepelivit? nescio, hoc unum dico, non potuerat agnoscī: festinavit¹ in bona.

S E R M O.

Summavimus peregrinum cadaver: restat ut inducamus filium.

DECLAMATIO.

Primus, inquit, hæres sepultus est. Hic ergo quis est? unde? qua fiducia? Ætas eadem est. Quid si solet quidem hoc argumentum apud te valere? Sed cur ex æqualibus nemo aliis hanc spem vindicat? hoc argumentum transeō: statura suffragatur: nec hoc me movet, & tu hæc dicis. Sed hæc valeant, ubi confusus est vultus, ubi lineamenta oris, oculorum, & coloris proprietas, capillorumque habitus, omnia staturæ levia. At similitudo fecit illi animum. Age, quid si ancilla cognoscit? Est quidem humilis persona, & ei fortuna gravitatem detrahit. Sed sæpe² magnorum fides ex magnis venit. Quid si frugi, probata domino? Sunt etiam in his morum discrimina. Quid? ad fontem causæ per gradus venio. Libertus paternus agnoscit: frugi servos, libertos facimus: fortimur genus, non eligimus: nec ante nos nostri arbitrii sumus. Et nescio an ma-

jus

¹ In bona.] Malim: in bona. Pith. | Videtur potius legendum ex parvis. Pi-

² Sæpe magnorum fides ex magnis venit.] thœus.

ius sit facere genus. libertus viri tui, mulier, cuius judiciis gloriaris, qui te filio substituit, hunc etiam à filio manumisit: quod tibi dedit, nulli abstulit: quod huic, etiam filio subduxit. Facilius est viro placere, quam domino. Sed per se mentitus agnoscit patronum. servitutem sibi manumissus imponit? Huic (inquit) debeo manus, operas, testamentum. Vindictam magno redimere solent. Colludit, inquit, cum avia. Bene agis. Dum everttere vis testem, alterum dedisti. Convenit, inquit, illis. Proba convenisse. ¹ Speraverunt effectum mendacii. Qui potuit esse sermo? Nepos meus periit fluctibus, & sepultus est. Tu tamen vade, aliquem venalem adduc, ego agnoscam, perfectum est. Non timent deprehendi? non omnia signa confusa sunt. si odit, testamentum potius dementiae accuset; dicat subiectum, dicat falsum, accuset te quod filium ad mare duxeris: dicat, tua culpa periisse. Quare deinde tam sero post annos consilium initum est eiusmodi? Res inter initia urunt, & livor mora solvitur. Sed ad hoc proficiscitur, qua ratione alienum servum evincit: modo dicebam, libertum habeo, at jam præjudicium habeo: si testis honestior juraverit, conficitur controversia. At ego multos judices juratos dabo: causa cognita; excussa & absoluta est. Nego solvenda esse judicia: hunc esse puerum, inventi sunt, qui jurarent. Peregre, inquit. illic dicis, ubi non gratia, ubi contra hæc omnia nuda veritas stabat: hoc meum argumentum est. Quid? quod non tantum judicatum, sed etiam peregre judicatum est, ubi non propinquui, ubi vix quisquam erat, qui patrem hujus nosset? At hercules, quale domi judicium est? ibi solus libertus vicit: hic & avia defendit. Dedit, inquit, libertus pecuniam venalitiario, ut prævaricaretur. Sane nec avia libertum timuerit, nec libertus venalitiarum. Proba libertum habuisse pecuniam, tulisse, dedisse: necesse est multum

ven-

¹ Speraverunt effectum mendacii.] Lege: speraverint. Sit ita, concedo, potuerit illis hæc spes iunasci. Grm.

venalitiarius poposcerit. Aëstimavit enim non rem suam, sed spem nostram. Age deinde, non timet libertus, ne ille qui puerum vendidit, ¹ ubi vendat indicium? ne veniat, ne scribat? si corruptum judicium non probas, vici. Agnoscit avia, quæ majorem temporum partem hujus oblectatione consumpsit. Filius meus, inquit, in hac ætate talis fuit. Digna est testis notitia, de nepote dicit causam: nullum testamentum captat, etiam suum pignoratur. Sero hoc placuit: hoc & tuum argumentum est. Filium sustulit: pudicæ argumentum est, hunc curiose educavit, in nullum littus duxit. Sed filius illam notavit. Si merito, hujus crimen; si immerito, illius. Dic quare? immo noli mortuum illius criminari filium: non queritur: sed sperat pecuniam. Primum ejus ætatis est, ut debeat contemnere. Odit me, inquit. Quam habet injuriam tuam? nihil queritur: nisi quod filium tuum in littus duxisti: ideo perierat: nimirum oscula sua venalitiarius inquinat. Non debo, inquit, videri invita filium agnoscere: mater sum. In multis, nihil matris ultra titulum est: nec novercæ omnes.

S E R M O.

In matrem & illa Cicero dixit: Mater enim à me, tametsi in hunc hostili odio, & crudelitate est, mater, inquam, appellabitur. Sub hoc tamen titulo infidiatam filio dicit quæsiſſe pericula, ut filii sui bona sector possideret.

D E C L A M A T I O.

Nihil quidem ultra hæc timendum fuit: & supra fidem læsus est. Gratulari tamen tibi inter calamitates tuas, cruenta, possum, quod avia secunda hæres non fuit. Multa sunt, quæ animum tuum sollicitent: ingentis patrimonii hæreditas, & gravior possessionis, quam spei jactura est: & diu cum ea fuit. Illa tecum (habeo certum) cogitas, Si reci-

¹ Ubi vendat.] Lege, tibi vendat. Pith. [scribendum, tibi. A te pecunia accep-
Ubi vendat indicium.] Aerodius: ibi. sed [pta omnem minum detegat. Gronsvins.

recipio, ducet uxorem, quam fortasse cariorem habeat quam matrem. Ergo sola obstat patrimonii cogitatio. A piratis dimissum, à fortuna, ô te, liberte, in officiosum! reduxisti, non ad imagines, sed ut propius amissam dignitatem alpiceret. Etiam, inquit, fortunam meam novaram. Non est puer, quod cum liberto queraris: omnia tibi reddit, præter matrem.

HABET HUCUSQUE CONTROVERSIAS
NUMERO CXLIII.

[*Habet huc usque Controversias numero CXLIII.*] Sic vetustissimum & optimum exemplar S. T. R. quod Claudi Falcati V. C. doctiss. beneficio habuimus. Sequebantur vero in eodem exemplari declamationum Annæ Senecæ libri decem, breviati illi quidem, ut alias separatim editi sunt, sed aliquanto tam meliores vulgatis, cum hac inscriptione, *INCIPIT SENECÆ DECEM RHETORUM*: quem etiam in aliis exemplari bus titulum fuisse vel illa Io. Salisbe riensis ex lib. 8. Polycr. arguunt. *Lengantur*, iuquit, *& libri illi quos Seneca decem oratorum sententiis sub imagine declamationum scholarium illustravit*. Esse autem illas declamationes non L. Annæ Senecæ, quem Nero quinquennii

magistrum habuit, sed patris ipsius quem Marcum quidam prænominant, & nobis ante visum fuit, & ab eleganti simo diligentissimoque antiquitatis Lipsio nuper in Electis notatum est. Post has incipiebant, *EX CALPURNIO FLAC.*
EXCERPTAE X. RHETORUM MINORUM. quo ordine superior nostra conjectura de hac inscriptione nonnihil confirmatur. Sed nec illud dissimilare volumus in illo optimo & vetustissimo codice Calpurnii Flacci vix superfuisse quartam partem: reliqua nos habuisse ex Italico exemplari non adeo vetusto. Quis autem hic Calpurnius fuerit, alii fortasse dicturi sunt: mihi quidem nondum scire contigit. *Pithœus*.